

治痘論

完

十部
420



門 武 9
話 420
卷

池田瑞仙著

治痘論

完

天保十四年
癸卯暮春刻

養幼齋藏版



治痘論序

池田霧溪著治痘論。屬余為之序。披讀一過。論辯皆精確。洵足以紹明家學矣。因憶往時與其先人錦橋翁。交頗密。故悉其履歷。尤服其志操之超卓。翁本周防岩國之人。其先傳戴氏治痘之秘。以至于翁。而未博施於世也。弱冠術既通。

治痘論

序

一

養幼齋藏

內外遊安藝。又至浪華。當時以善瘍科著名。會痘疫大行。致天闕者多矣。心竊悼之。以為與泛治衆科。寧注心於痘疹一科。傳家學於百世。於是取古今痘書精究之。參以祖先所傳。日夜竭力有年矣。一旦恍然有得。徵諸事實。應手無不效焉。遂自立稱痘科。請治者項背相望。

事聞。以餘。又。其。大朝寬政中。召致擢為醫官。始立痘科專領之。自翁始。蓋特恩云。翁老無子。皆曰。養鑿官子弟為嗣可也。翁不肯。曰。予叨荷鴻恩。常思所以報萬一者。唯我術而已矣。術不精。雖吾子不可以襲祿。况養庸常子弟為嗣乎。門生霧溪

淳樸敏於施治。必能繼予志者矣。乃養
為子。距今已三十餘年矣。霧溪學益進。
術益精。實能紹述先業。又發其未發之
秘。著述等几。聲名藉甚於都下。余於是
愈服翁之志操超卓。而其鑒之終不爽
也。嗚呼。翁雖死。其術顯著如此。不亦偉
哉。余知錦槁。又知霧溪。及其請序。義不

可辭。然霧溪之書精且確。其傳世決矣。
又何待揄揚。因敘翁出處之大略。并舉
霧溪紹述之功。使讀者有所考焉。
天保十四年癸卯晚春

侍醫尚藥龍仙院法印撰



成齋鈴木清熙書



[Faint bleed-through text from the reverse side of the page, including characters like '治痘論', '序', and '池田柔行']

治痘論序

痘疹科醫官池田柔行著治痘論一書。將附之刷人。以公于世。余受而讀之。撫卷而歎曰。噫。此柔行之百鍊金乎。抑釀百花之露。以為蜜者乎。何其約而精。辯而有味也。蓋痘疹證治。至明代始大闡其祕。故痘書亦唯明以來最多。然往往各執一隅。轉相

沈疴論
卷之二
一
養幼存癘
輻輳耳。今柔行繼承箕業。遴擇諸家之長。加以數十年歷試之所得。沈潛研索。別出心裁。以撰是書。能使學者無多岐亾羊之惑。而臨處之際。有如印券契鑰之驗。洵宜傳之不朽。永爲範式者矣。余又嘗語柔行曰。傷寒之與痘疹。孰難孰易。以蒙觀之。傷寒六經次第。固不可必。虛實寒熱。動輒易

更變。痘疹則既有日程之所限。而其形色又兆見于外。足以前知吉凶矣。則痘疹固不如傷寒之難也。柔行曰。不然。傷寒誠難治矣。然而其至危至險者。寸圭中肯。猶或霍然而甦。痘疹則既決不治。雖盧扁末如之何。加之嬌嫩之體。歿生反掌。而醫者徒聽病家噉喁。坐以視斃已。況傷寒固有張

夫子典型。痘疹則從未有定論之可標準者。豈不彼易而此難乎。柔行之言如此。余於是益知柔行所以著是書之意。及其謁序。併書此貽之。天保歲在昭陽。單閏修禊日。丹波元堅。蒞庭識于存誠藥室。



龍澤表吉刻

治痘論

東都醫官

池田晉

柔行

著

男

直溫子德

較

總論

夫痘者。本一種之異毒。而非尋常之胎毒也。其感觸者。亦一種之異氣。而非尋常之疫邪也。要之。天行之疹氣。與蘊藏之遺毒。相觸激而發。其蘊毒有多少。觸氣有深淺。而三項始判。故治法亦與疫邪。自有區別。是痘科之一大宗旨也。學者宜先識之矣。

痘有三項。曰順。曰險。曰逆。其順者。不必服藥。其逆者。俱不可治。故曰。二症無藉於醫。唯險之一症。亦分爲三項。險中之順。險中之險。險中之逆。是爲診痘之一大綱領也。

治痘。須先定元日元時。次分八症。隨四節。而處方藥。其藥亦有八法。痘之變幻。千態萬狀。咸自八症中轉變來。其藥之臨機應變。亦概自八法中工夫得。須細心推求。蓋紙上陳言。徒以談理耳。至權變之術。則豈筆墨之所能罄乎哉。

元日元時者。四節之根元也。起發充灌之遲速。以此推之。死生變幻之時日。因此測之。是我戴曼公之秘訣也。能通其玄機。則千萬之痘症。一目瞭然矣。四節者。見點三日。起脹三日。灌膿三日。收靨三日。合十二日。是也。以四節配春夏秋冬。以十二日當十二月。世俗除序熱三日。自四日算之者。誤矣。蓋序熱無定數。以痘影始報之日。爲見點初日。歷十八時。而其毒盡達於外。而無有藏於內者。於是乎。可以知稀密。決吉凶矣。

八症者。一曰毒壅。發始身熱如灼。放苗稠密。不尖不鬆。其形如瑣屑。爲片爲塊。肉色慘黯。痘隱隱在皮下。欲出而不出。大熱不退。煩渴引飲。睡臥不寧。脣舌白胎乾燥者。是也。二曰血熱。發始身發壯熱。腮紅臉赤。放苗燠發。乾紅紫艷。或深紅。漸變紫黑。頂陷不起。或夾疔夾斑。口渴氣粗。小便赤澁。大便秘結。脣舌赤紫。乾紅者。是也。三曰氣虛。發始身熱悠悠。乍涼乍熱。肌慢神倦。偏體汗出。目睛上吊。呵欠噴嚏。頭溫足冷。飲食減少。口渴反不飲。嘔吐便澇。小便清利。痘色淡白。

頂陷皮薄。根脚不實。無鬆綻之勢。脣舌淡紅滋潤者。是也。四曰血虛。發始身熱微微。痘點色白。與隙地一般。全無紅暈。大便稀澇。小便清利。神靜氣倦。睡臥稍安。痘枯澁不活。雖起發無光彩。脣舌淡白滑潤者。是也。五曰表虛。發始身熱。頭汗如蒸。手足如洗。痘一齊湧出。皮薄慘暗。根澗脚弱。摸不碍手。面顏虛浮。或惡風毛豎。二便自調。神志倦怠。睡臥不寧。脣舌潔清瘦薄者。是也。六曰表實。發始身熱燔灼。皮燥毛焦。頭痛無汗。煩渴好冷。口氣如火。兩顴乾紅。耳目俱赤。眼張

如怒。喘。懣。氣粗。隱躍于皮下。當齊不齊。面目腫。肌肉疼。脣舌薄。胎焦黃者。是也。七日裏虛。發始。頭面有熱。手足反冷。自汗微微。飲食減少。大僂滑泄。小僂清利。或吐瀉並起。乳食不化。或不渴。僂溏。起居安靜。困倦嗜眠。見苗。淡白。頂陷。根暈不束。領郭郭不鬆綻。脣舌灰白。虛冷者。是也。八日裏實。發始。身熱如火。口氣如爐。兩耳灼熱。白睛如點。朱。或面顏紅赤。毛枯皮燥。時惡熱。脫衣被。二僂祕澁。甚者。小僂如醃魚汁。大渴引飲。時時乾嘔。譫語狂亂。如見鬼狀。齒齲濺血絲。脣舌

燥裂黃炕者。是也。凡八症中。見其的證一二。則可以分毒壅。血熱也。何必待悉具。而後別各症乎。

八法者。一曰解毒。敗毒和中散。歸宗湯之類。二曰涼血。十神解毒湯。清涼攻毒飲之類。三曰補氣。大保元湯。補中益氣湯之類。四曰養血。十全大補湯。雞冠血酒之類。五曰固表。加減益氣湯。溫中益氣湯之類。六曰散鬱。羌活散鬱湯。加味歸宗湯之類。七曰溫中。異功散。建中湯之類。八曰攻下。涼膈散。大承氣湯之類。是也。執刀圭者。攻補無偏。要在的中爾。

看痘宜用紙燭其製之法赤紙幅二寸許撚之中心緊外面緩蘸麻油薰熾火上以生紙拭去之數回則無爆咤之慮照之於暗室內以手掌掩火光斜視之則歷歷可指其皮下隱隱者有無如何痘色紅白赤紫如何根暈聚散明暗如何漿膿濃淡豐約如何須丁寧反覆無遺漏矣

看痘有序次先看人中地角準頭印堂次看兩腮口角兩顴眼部天庭大陽方廣次看百會兩耳頸項喉突胸腹次看兩手腕肘尺澤手掌次看兩足脛膝委

中足心次看背脊腰臀男先左女先右何處先出何處後出何處起何處不起何部有何色點何部有何異痘仔細諦視然後翌日復看之昨出者今如何昨不出處今如何昨不起者今如何異痘如何色點如何其昨與今有變態即吉凶之所由分也醫者宜一看過即立測臬勿再三再三則反疑惑生焉

診痘者外以形色內以脣舌是其常也如以脣舌知外以形色察內是其變也常者易知變者難察雖然其在小兒有性僻而不出舌者有痘堆結而舌不出

者。嗚呼。不知變。則不能全常也。如能熟之。則望表而知裏。因裏而知表。唯聽聲音。而指生歿。不用紙燭。而觀形色。分吉凶順逆。如懸明鏡。而照妍媸。毫釐無爽也。然後當能見垣一方人。豈必待飲長桑之藥乎。痘毒鬱伏不出者。初熱三日而歿。隱隱在皮下。欲出而不出。或僅出不齊者。報影三日而歿。既出不漿者。六日而歿。稍有漿路。而不化膿者。九日而歿。稍有膿路。而無托靨者。十二日而歿。當靨不靨。及不乳食者。十四日而歿。凡實熱內攻者。六日而歿。虛寒內攻者。

九日而歿。神元虛耗內攻者。十二日而歿。蓋由其勢之緩急。而有遲速耳。夫痘者以三十六時。為一節。言某日某時歿者。指此節與彼節。相交之時也。雖然。視歿別生。實為難。故業醫者。不以斷歿期為要務。唯於危險中。察可生之機而起之。則可也。

痘瘡不取脈者。僅十二日。唯發熱中。及回靨後。宐診脈。蓋發熱之時。裏毒將出于表。故脈浮大為順。洪數為逆。回靨之時。毒漸解。而內將調。故脈和緩為順。洪數為逆。大略繩墨如此。至其變化不測。則非可膠柱

而論也。

前哲云。胎毒之淺深。可以知疎密。後人法之。見痘稠密者。輒指爲毒深。直與解毒之藥。是大謬也。若胎毒之淺者。出痘果稀疎。深者果稠密。則能解毒於始熱中。痘出必當疎。能解毒於報點後。其密者當變爲疎。必不能然矣。然則解毒於臨時者。吾不知其何故也。治痘之法。有雖稀疎而可解毒者。有雖稠密而可溫補者。苟不辨此。而惟見稠密者。以爲毒深。吾不知孰當解毒。孰當溫補也。今痘色乾紅。焦紫。黑陷者。雖稀

疎。必用解毒之劑。而後始得紅活滋潤。可見其所以爲乾紅。爲焦紫。爲黑陷者。卽是毒也。痘色淡紅。灰白。頂陷者。雖稠密。必用溫補之劑。而後始得紅綻尖圓。可見其所以爲淡紅。爲灰白。爲頂陷者。卽是虛也。由此觀之。症之虛實。不在痘之疎密。痘之疎密。不在毒之淺深也。昭昭矣。學者察之。

痘症用下劑。必有機度。大黃芒硝之分量。宜重。勿首。巖勿畏縮。不入虎穴。安獲虎子。要在速用而早止。若因循失機。狐疑愆度。至內愈億。則下亦無所施。而況

於痘之有日期乎。夫用硝黃取下者。譬如飲酒然。今有五合酒。卽時飲罄。則徑醉。終日罄之。則不得醉也。痘投下劑。機度爭一線。醫者須明目以察之。張膽而決之。勿有過不及。夫察病如親子。攻毒如讐敵。嗚呼。人命至重。大黃芒硝。非冥搜試人之藥。或纔誤投一劑。亦有害人命。慎之慎之。如其用下劑後。下利不止者。是誰之過也。

凡用攻劇之劑。多味者。其効必鈍。若清涼攻毒飲。加味歸宗湯。衆醫以爲劇劑。而今用之。不如大承氣湯。

涼膈散之快利者。以多味之故也。溫補之劑亦然。余每遇極虛極實之症。必用至捷至緊之劑者。蓋以此也。

痘症蕩滌熱毒。挽回危急。非大黃芒硝。則不能奏効也。近世有專用紫圓者。熱毒纏綿不解。徒損脾胃。是所謂暗箭傷人。妄決自用者也。其弊出于矢醫者流。貽害於後世。爲之夭亾者。不可枚舉。蓋傷寒之熱。不可用巴豆丸。衆醫之所知也。古人禁之於痘症。則舉世而不知之。嗚呼。水能浮舟。亦能覆舟。藥能生人。亦

能殺人。昔孟子闢楊墨。以其害於人心也。矧方藥之害人命者。其得不辨乎。

熱者清之。寒者溫之。實者下之。虛者補之。或清下兼與。溫補兼用。是治療之常。雖庸醫可行。熱者補之。寒者清之。實者溫之。虛者下之。或溫解并行。補瀉并施。是治療之變。自非妙手。則不能行。病既已活物。則醫亦必有活手段。譬如輪扁之斲輪。無疑之畫草蟲。機關在眼。會通在心。轉變在手。蓋敘論與當場不齊。而讀書與臨症不同也。雖然。其見解精確。則當場臨症。

而意會神領。得書中之真味者多矣。烏虜讀書亦不可以不博且精也。

痘症順者。不假藥力。而自然起發。其不起發者。必有使之然者。醫者當察其所以然。而治之耳。近世槩用烏犀角。而未起。必用反鼻底野迦。或用鹿茸一肉。而尚未起。更增其分量。頻頻用之。曾無他策。不知犀角解毒涼血。本宜血熱之痘。今用之。血虛不起者。愈用愈不起。反鼻底野迦鹿茸一肉亦然。苟非其症。而用之。則皆有害。余每疑世醫療痘。不問虛實。必用烏犀

肉底野迦者。抑孰從而受其法。蓋村父野媪之說耳。誠如其說。則漢人之說皆非矣。不知後之學者。何以背千古之醫經。而從輓今之陋習也。

近小兒科。槩用輕劑。約一貼七分。或一錢。謂兒小故劑亦輕。不知欲治重病。則其劑亦當重。況小兒多不肯服藥。或吐出。或噴溢。用藥三貼。其下咽者。不過二貼。此所以古人用重劑濃煎也。余平生所用之劑。一貼自二錢。至三錢。濃煎用之。如此而藥力能勝病。今人不解其理。徒欲用輕劑淡煎。而治重病。所謂以杯

水救車薪之火也。其不治者。猶曰水不勝火。余唯恐其取笑於大方家耳。

一人自有一人之強弱。一症自有一症之緩急。一方自有一方之主治。一味自有一味之功能。故同一症。而同用一方。或應。或不應。何也。以其誤分量。失節度耳。此知治療之妙。在醫而不在方也。

序熱

痘之序熱。髣髴於感冒傷寒之熱者。謂之疑似。況嬰兒之未能言者。其惡寒頭痛背強身疼等之症。全在

傷人之臆度。醫之體察耳。其實有不可知者。而其睡中微悸。鼻出氣粗。煩渴舌白。脈浮數而緊。脚酸軟。不能行者。是乃痘序之驗也。如面頰赤喜睡。嘔吐不食。精神恍惚者。亦其驗也。此數症中。不見一二者。雖熾熱。恐非痘序也。

診痘。須先問始熱之日。與放苗之時。如過三日三夜而出者。必輕症也。過二日二夜而出者。顆粒分明。順症也。過一日一夜而出者。稠密險症也。朝熱而夕出者。顆粒不分。重症也。發熱直出者。逆症也。又痘出熱

隨解者吉。痘出熱愈熾者凶。是其稷槩也。

序熱悠悠。不渴不惱。與感冒之邪相似者。宜升麻葛根湯。如熱稍盛。手指抽掣。脚酸軟。起則欲倒者。蓋痘序之候也。用加減升麻湯。如熱盛煩渴。時譫語者。宜加味升麻葛根湯。

序熱之時。煩渴好飲。舌苔白者。痘序之常候也。勿妄與清涼之劑。痘出則熱解渴止。舌苔亦自退。宜加味升麻葛根湯。又有不食者。痘出熱解。則食自進。宜用前方。

痘前發胎毒瘡者。肌膚既受傷。表氣亦虛陷。今痘毒發動。必乘虛而蝟集於其瘡痕。爲攢爲簇。此所謂谿者。衆流之歸也。宜升麻葛根湯。合消毒飲。

序熱之時。父母不知其爲痘候。使兒洗浴。則熱毒爲之壓伏。出路爲之閉塞。當出不出。當起不起。惡症蜂起。宜急發解之。用羌活散鬱湯。加麻黃。如身熱如灼。煩渴引飲。二便秘澀者。宜加味歸宗湯。加石膏。

序熱之時。驚搐者。謂之驚痘。須緊抱之。勿必用驚藥。只當發痘。痘出則驚自止。以熱從驚而解故也。如直

視上竄。不忍坐視。則用熊膽少許。勿敢遽灸之。如屢發驚者。兼用導赤散。謔言妄語發狂者。亦然。唯其甚者。加辰砂。或兼用牛黃清心丸。

凡發驚之候。漸緩而速覺者吉。愈急而不休者凶。如痰鳴喘促。吐涎沫者。最惡候也。直視上吊不止。言語喃喃不醒。或憤怒狂走。或叫喊呻吟。或點鬼指魅者。邪熱最熾也。宜辰砂導赤散。去人參。小便利而諸症漸穩者可治。如小便利而愈劇者。魂魄將離也。

序熱之時。嘔吐者。毒邪奔越也。勿敢止之。毒從吐而

解宜加減升麻湯。如瀉利者。熱毒下泄也。亦勿止之。毒從瀉而解。宜用前方。吐瀉相兼者亦然。痘出齊則吐瀉自止。如熱勢和緩。脣舌淡白。滋潤者。氣虛也。宜加減益氣湯。

序熱之時。吐血者。是熱毒攻冲。肺胃敗而出也。此為惡候。急用玄參地黃湯。加犀角。如血自大小便出者。熱毒尤熾盛。臟腑腐敗也。或在旦夕。其痘色順美者。宜犀角地黃湯。加阿膠。唯鼻衄之一症。熱從衄解。勿敢深慮。

序熱之時。微汗出者。腠理疎通。痘出自快。如汗流不止者。表虛。陽也。必難發出。宜急用加減益氣湯。加牡蠣。如驚悸煩躁。或斜視。或上竄。鬱鬱昏冒者。宜溫中益氣湯。

序熱之時。腰痛者。為腎之鬱毒不伸。最惡候也。輕者。用敗毒和中散。甚者。急用歸宗湯。大下之。痘隨出痛隨止者。可治。否者。必效。

序熱之時。腹痛者。為陽明之鬱毒不伸。亦惡候也。輕者。用敗毒和中散。如痛甚。痘不出者。用大承氣湯下。

之。腸胃疏通。陳莖滌去。而毒易外發。如痘色赤紫。口熱如爐。大僂色黑。或交紫血。臭穢滿室者。血熱毒壅也。急用清涼攻毒飲。極力下之。則或可僥倖萬一。如乍痛叫泣號哭。乍止如故者。有蛔虫為痛也。宜椒梅湯。如身體骨節疼痛者。為六淫之邪所侵也。宜羌活散鬱湯。甚者。宜加味歸宗湯。

序熱及報點之初。忽然眼赤腫封合者。風熱上攻而然。勿深憂。宜敗毒散。加防風荆芥。不韻者。欲遽治其目。用寒涼攻下。反生他劇。自招災殃。是醫之過也。

序熱之時。食則噫。飲則噎。飲食共不能下咽者。以毒氣壅塞。衝逆咽喉也。謂之啞喉。宜加味鼠粘子湯。加玄參。甚者。急用涼膈散下之。

見點

身熱三四日。熱解身涼。而始放痘者。為順。以氣血充實。熱毒輕故也。發熱半日一日。直放標。而壯熱驚搐者。為逆。以氣血衰弱。熱毒重故也。先出者先起。後出者後起。大小不等。撫之堅實礙手。謂之磊落。為吉。如面部手足。一齊湧出。撫之柔軟。不礙手。謂之皮薄。為

凶。總之報點早者，必稠密也。

見點大者為稀，小者為密。左右一點相對出者，名對珠。上下相累出者，名累珠。皆稀疏之候也。五六點叢出者，名梅花叢。一處合聚群出者，名蟾窠。皆稠密之徵也。痘既出，則熱當解。如不解者，毒猶在內。初苗雖稀疏，再出至稠密，謂之復出痘。

熱微而見點稠密者，其候有二。一則毒潛伏在內，故表熱似微，裏熱必熾。其痘色深紅，煩渴好冷水，大便秘結，小便赤澀，舌白苔通明，脣焦黑甚者，黃苔生，芒

刺。遂至舌炕不救，急用大劑涼膈散，峻下之。一則氣虛而毒一齊湧出，故纔熱直報影，如痘色淡白，與隙地一般。大便溏泄，小便清利，脣舌淡白，滋潤者，宜加減益氣湯，加紅花地黃。

見點色白，煩渴好冷水，躁亂不寧，晝夜不寐，痘苗遲滯，呆呆不起，或忽然隙地發朱點，細少似疹，或數窠形稍大，紫黯焦黑，摸之不得手者，為血熱毒壅，宜急下之。清涼攻毒飲，所解之，便如漆，或交黑血，臭穢不可近者，須極力下之，待臭穢盡去，便黃而後止。如其

紫黑點。延蔓于周身者。非藥力之所及也。

邪熱熾盛。氣血壅遏而不行。阻塞隧道。則卒然氣絕。其痘隱隱于皮下者。亦沒。身肢俱冷。視之者。皆曰死。當此時。須診其心胸之間。若溫煖者。急灌冷水。以徹其熱。須與氣血行。正氣復而甦。夏用大承氣湯。涼膈散之類。所謂死而復甦者。此症也。若胸冷氣絕者。無復生之理也。

痘將發之時。熱毒薰蒸。津液銷鑠。故舌白口乾。煩渴。何足介意。若大渴引飲。好冷物者。心經熱盛也。宜涼膈散。去芒硝加石膏。欲飲水者。少少與飲之。亦不妨。如微渴。便澹者。誤與冷物。則傷脾胃。損肺氣。遂為泄瀉。不可以不戒也。

纔熱直見苗。其色紅紫。痘出而熱愈盛。煩渴不食者。謂之火裏苗痘。宜十神解毒湯。加石膏大黃。如熱一日。痘即出。痘出而熱漸熾者。最可懼。後至繁密無隙地。是亦火裏苗痘之類也。宜清地退火湯。或用攻下之劑。庶幾十中活一二。

見點乾紅。或焦紫。煩躁譫語者。屬血熱毒亦盛。宜十

神解毒湯。加石膏。如痘點深紅赤紫。舌白苔乾燥。熱熾煩渴者。屬血熱毒壅。前方加石膏大黃。

見點色赤。或焦紫。舌苔唇燥裂。口氣腥臭。勃勃衝入者。熱毒乘肺胃。糜爛煎熬。而為穢臭也。不急治之。恐至發走馬牙疳。不可救矣。宜涼膈散。去芒硝。加犀角石膏。大下之。

見點如朱。或紫暗。有點而不成粒。面色青慘。如被楚撻。手足厥冷似冰。嘔噦不食。唯煩渴好冷水。晝夜躁亂如鱗在灰。或謔言妄語。身冰冷。反不近衣被。舌苔

乾黑。鼻如塗煤者。熱極生寒。火極似水也。如誤認為虛寒。遽與溫補之劑。猶抱薪救火。宜急用大劑涼膈散。加麻黃。穿山甲。峻下之。以毒盡為度。勿膽怯而早止。此症下手爭頃刻。死生係一瞬。醫者眼力不明。則不能辨症於多疑之岐。膽力不雄。則不能救人於危急之際。故惟眼明膽雄。能隨理而運用者。然後可與談其理耳。

未熱之時。頭面乍發大痘數點。繼之以大熱。餘痘隱隱于皮下者。名曰報痘。宜清地退火湯。如身無大熱。

報痘磊落稀疎。二三日後。餘痘不見。似十分可喜者。名曰試痘。勿誤作輕症。過三四日。乍復發大熱。其痘一齊湧出。宜急用消毒飲。加連翹金銀花。

諸痘未起。其中一二窠。形特虛大。突起光亮。先黃熟者。名曰賊痘。是盜周身之氣血。而獨致脹大。故名焉。此痘一發。則諸痘不能起脹。宜敗毒散。加牛蒡子。大優實者。更加大黃。凡報痘。試痘。賊痘之類。皆宜別破。貼藥燕脂。刺法有口訣。

見點隱隱簇簇。乾枯色白。頂陷黑暗者。名蠶退痘。空殼一聯。有窠粒無紅暈者。名蛇殼痘。是氣至而血不榮也。宜神功散。如見點焦枯。色赤如朱。陷伏不起。有血點無頭粒者。名蚤班痘。紅紫色者。名血點痘。是血至而氣不充也。宜歸宗湯。

痘攢聚粘連。頭獨密者。名蒙頭。頸項密者。名鎖項。胸膈密者。名攢胸。腹前密者。名囊腹。背間密者。名聚背。腰部密者。名纏腰。兩臀密者。名鱗坐。兩膝密者。名抱膝。皆為惡候。雖然。有原瘡及新愈之痕。或打傷疵癍。之所。蚊蚤咬嘜之所。痘必轉集。似蟻窩疊錢之形者。

不足深慮。勿槩而為惡候。但小腹及腰臀稠密者。為後來下利之候。是前哲之所未嘗言也。

痘內碎密如麻。頭粒尖者。名夾疹痘。皮內鮮紅如雲頭者。名夾痲痘。當退熱解毒。宜玄參升麻湯。加芩連桔梗。

水泡。血泡。紫泡。黑泡。宜刺破貼以四聖膏。又發則刺之。如前法。而後不復發。諸痘膿化者。可治。若半日。或半夜。忽然遍身發數十窠。諸痘絕不綻起。煩悶不寐者。難治。

見點色白。皮薄光潤。根暈亦淡紅者。氣血虛弱之候也。宜用加減益氣湯補之。否則後必難起。發成漿。如謔言搖擗者。宜溫中益氣湯。慎勿用犀角底野迦之類。犯虛虛之戒。

見點似齊而熱未解。時時煩悶。不得安眠者。以毒氣鬱伏未伸也。宜涼膈散。如謔語狂言不止者。兼用辰砂導赤散。去人參。

凡見點。面部多於他處者。痘之常候。但山根。印堂。眼眶。有隙地為吉。若山根。印堂。攢簇為片如餅者。他處

雖稀疎不為吉。且山根印堂特堆然浮腫高起者。必下利內攻之徵也。須徹彼桑土。綢繆漏戶。預為未雨之防。此症痘中往往有之。而痘書未嘗論及者。此古人千慮之一失。而抑予千慮之一得歟。

痘既出齊。預知其生歿。一片如麩者。密如疥癬瘡者。如風疹者。如蠶種者。如蛇皮者。如蚊螫蚤咬者。與胎毒瘡混淆模糊者。色如猪肝者。如枯骨者。多屬歿症。痘色與隙地無異者。血虛也。似逆而可治。淡紅滋潤。耀耀有光者。嬌嫩也。似順而可懼。有以一美消百惡。

者。有以一惡壓百美者。有舍外形取內症者。有舍內症用外形者。治痘者。非有九方臯相馬眼孔。則不能決歿生於髮鬚。防災殃於機微也。

起脹

發熱三日而見點。又三日而出齊。至四日。則面部初出者起脹。至五日。則兩手及次出者起脹。至六日。則兩足及後出者起脹。是順痘自然之勢也。灌膿亦以此推之。其面部中兩顴。最早起脹灌膿。特天庭者。遲一日。與手相等。頭髮中者。遲二日。與足相等。收靨亦

以此推之。

痘至四五日。氣血漸分。猶太極生兩儀。頭粒白於上。見氣升而尊。根暈紅於下。見血降而卑。猶天尊地卑。乾坤定矣。謂之氣血之分也。窠內水漿即毒也。猶有天地。然後萬物生焉。於是氣血毒三者。畫然始分。其形如一顆珍珠。放在胭脂上。後必氣血能交而膿化。猶天地網緼。萬物化醇。謂之順痘也。若氣血相離。則頭粒平塌。根暈潰散。其形如一滴淡銀。點在紙上。後必氣血不交而內攻。猶乾坤或息矣。謂之逆痘也。又

有氣血毒結而不分者。有混而不分者。有毒隔而不交者。有氣血流散而不交者。宜察其所以然者。而治之。均之同一症也。而有天時之順逆。有日期之遲速。有稟賦之強弱。有病勢之緩急。均之同一方也。而有種品之美惡。有製度之得失。有劑量之大小。有服飲之多少。取此方治彼病。其中與不中。全在醫之穀率而已矣。

眼封遲速。由痘之稀密。凡見點之數。八分以上者。四日封。十二日開。七分者。五日封。十一日開。六分者。六

日封十日開五分者。七日封九日開四分者。八日夕封九日朝開大率常數如此。其四分以下者不封。又有由窠粒之大小者。其窠小者六分以下不封。又眼沿痘少者封遲。眼沿痘多者封早。又肉腫微者遲封。肉腫甚者早封。是其變也。初學先須知其常。不知常則不能通變。不知變則不能窮常。若理障不明。惜焉施治者。如無燭而夜行。

肉腫因痘之稀密。與瘡綻之豐約。而有微甚。故痘脹而肉腫者常也。若痘不脹而肉先腫者為毒鬱于肌

肉宜羌活散鬱湯。加麻黃。或痘脹而肉不腫者。為胃氣不足。宜加減益氣湯。加肉桂。其痘脹與肉腫相稱者。為順。頭面過腫者。為元陽之氣虛。宜大保元湯。加附子。有熱者。為疫癘痘。宜荆防敗毒散。

熱毒壅遏之症。可用下劑者。要在見點之時。失而不治。至痘胖之時。不得已而行之。必用大劑速下之。如遲疑過時。日恐懼用輕劑。日期既晚。毒入膏肓。則雖有扁倉之伎。亦無所施矣。大抵行下。不過五日。至六日而用之。則既下之後。其餘氣猶存於內。加以八九

日。外痘既會膿。則內臟皆空虛。實症忽變虛。故曰。行之早則十分下之。稍遲則八九分下之。最遲則六七分下之。既下之後。必繼以補托。其補下之間。不容髮。此全在醫之神而明之也。如其首尾用下劑。雖中間不可易者。千百人中。僅一二耳。

起脹之時。以小便少為順。晝夜可一二行。以其津液外輸。而肉腫水漿故也。若小便短少。頻數黃赤者。是熱毒入膀胱。宜十神解毒湯。如煩渴便秘。痘色乾紅紫滯者。加大黃石膏。

起脹之時。諸症無故者。不須深慮。過求。過補則為實。過解則為虛。要只用平和之劑。宜千金內托散。參芪減半。若有痒者。燒荊芥茵陳胡荽子之類。

起脹之時。痘乾枯色白。全無紅暈。其空隙之地。微有硃砂斑點。神情躁亂。或鬱鬱昏冒。或乾嘔不寐。唇舌赤色乾燥者。是血鬱之候也。不早治之。則斑點漸多。變紫黑。而不可救。急用十神解毒湯。加犀角牛黃。大便秘者。宜清涼攻毒飲。此症在初最難辨。世醫往往誤認。以為血虛。妄用溫補之劑。助毒殺人者。甚多。余

每見之。慨然長嘆息。

血熱毒壅之症。用清涼解毒。攻下之劑。熱退毒解之後。內外和平。大便黃。小便清。而其痘乾紅潤澤未生。不易長大者。宜太乙保和湯。如至六日。熱未全退。毒未全解。當此時。過解毒。恐實症變虛。遽補托。恐餘炎再興。宜行換漿法。用十神解毒湯。加人參。

起脹之時。血熱毒盛。痘色深紅者。後必變紫。紫必變黑。故其初痘過赤者。宜用十神解毒湯。大便秘者。加大黃。舌苔乾燥者。更加石膏。將變紫者。宜清涼攻毒。

飲將變黑者。前方去石膏。加芒硝一大匙。要須用一二貼。取大下。如不下者。小促其間。半日許。令五貼盡。如小兒不肯服湯藥。佐以承氣丸。

四五日。頂陷不起。皮嫩易破。淡紅光潤者。氣虛也。宜大保元湯。如泄瀉者。宜木香散。如轉矢氣者。穀氣下脫也。腸鳴者。中氣下陷也。皆為下利內攻之徵。宜異攻散。如泄利不止。咬牙寒戰者。宜建中湯。參附各一大匙。甚者用參附湯。凡治痘之法。將用參附。僅見其機。直與之。則勞力少。得功多。如渴而掘井。飢而播穀。

其何能及乎。

痘頂變白者。為漿也。白變黃者。為膿也。其白亦濁濃為吉。清淡為凶。其黃亦蒼老色為吉。黃土色為凶。如至五六日。灰白皮薄者。恐難化膿。宜回陽反本湯。如下利者。宜大保元湯。加乾薑附子。

起脹之時。痘色眊白如錫。根暈淡紅如絲。脣舌淡白。滋潤者。血虛也。宜回陽酒。兼用雞冠血酒。凡血虛之痘。用酒則氣血能巡行。如參歸鹿茸湯。回陽反本湯之類。亦必入清酒煎之。使兒少醉為妙。但發痒者。不

可用酒。

起脹之終。灌膿之始。數欠伸。開口皺眉。或連摩目。欲強開者。皆氣脫內攻之兆也。又晝夜不眠。煩躁多言。心下動高者。衝心之端也。尤須見其機。早防之。遲則不能挽回。

灌膿

痘症順者。至六日暮。面部半膿化。帶微黃色。至七八九分膿化。至八日而全黃熟。至九日暮。痘頂帶微黑。謂之蒼老。肉腫稍消。隙地見細皺。是將收靨之候。

合豆論

灌膿

五

養力齋藏

也。然因窠粒之大小而有遲速。其大者漿滿持久。至十一二日而始回水。非當靨不靨之故也。其小者至五日。既膿化黃熟。至八九日而盡收結。非倒靨內攻而然也。如中間少加不順者。至十日而膿化未十分。蓋有先期而早者。有後期而晚者。如不通變化之理。徒以常套論之者。此所謂膠柱而鼓琴也。

有一種血靨痘者。痘稀窠小。四節共先期。故算以二日爲一節。四節八日而結痂了。此爲百人百生之痘。不藥而自愈。唯至回漿之時。用小連翹飲。或忍冬解

毒湯之類。以防餘毒之患耳。

灌膿之時。毒既出于表。爲水漿。水漿變爲黃膿。是毒既化也。如唯水漿而不變黃膿者。毒雖出于外。猶未化也。毒不化者。變將興焉。宜早用托膿之劑。參歸鹿茸湯。或回陽反本湯之類。

灌膿之時。毒盡出于外。而內臟皆空虛。痘中之危關。全在此一時。若或大便利。或小便多。或內氣不續。或腹脹乾嘔。或腸鳴撒屁之類。發一惡症。則外出之毒。必倒戈內攻。蓋毒內攻。則肉腫消。肉腫消。則腹滿。腹

六經言
滿則心下支悶。心下支悶則反張。甚則衝心悶亂。又
內攻則熱生。熱生則煩躁。煩躁則不寐多言。不寐多
言則精神必疲。又內攻則煩渴。煩渴則引飲不止。引
飲不止則浸漬腸胃。浸漬腸胃則大溲澹泄。故曰危
關在此一時。

灌膿之時。乾嘔者。內攻之兆也。蓋毒集于胃。則乾嘔
集于脾。則腹滿。二症皆痘中之惡候。而乾嘔爲尤甚
矣。腹滿者。用異攻散。乾嘔者。用參砂和胃散。灸神闕
天樞。或中脘氣海。

灌膿之時。鼻塞者。世俗患其難飲乳。用枳椇浸水。頻
頻潤之。眼封者。使乳母數數舐之。殊不知鼻塞眼封。
卽痘之美候。而欲強通之。開之者。祇足自釀其災。如
通鼻則氣漏。腫消。乳汁自鼻孔出。開眼則神散。脹減。
毒從而內攻。不可以不戒也。其痘色灰白。錫光者。急
用回陽酒。通者復塞。開者復封。減消者復腫脹。則可
治。否則難治。若痰涎自鼻孔流。及喘急者。多難救。
灌膿之時。壯熱不解。煩渴不止。好冷水。反咬牙。或寒
戰者。恐夾蛔虫。宜理中安蚘湯。加黃連。如晝夜煩躁。

不睡。時時乾嘔。臆中動氣劇者。毒氣內攻。將衝心也。宜急防之。

凡內攻之症。漿滿未十分之時。眉上之肉腫微消。是乃內攻之兆也。宜早防之。至隙地生細皺。眼朦朧欲開。則內攻之症既備。防之亦晚。其腫消眼開。有三症。痘膿已化之後。頂漸黃黑色。而腫消者。正靨也。痘膿將滿之時。忽然頂黑。而腫消者。倒靨也。痘膿未灌之前。腹滿反張。而腫消者。內攻也。不可不明辨也。

痘不膿化者。固屬死症。雖然。乳食二便如常。聲音清亮。神氣寧爽。安睡者。脾胃猶壯實也。輕者。宜千金內托散。重者。宜回陽反本湯。如腸鳴。或撒屁者。將下利之候也。宜建中湯。或發癰腫疔毒。或爲痂皮膿臭爛而生。如有聲啞。煩渴。不食。不寐。乾嘔。反張。躁亂等之症者。內攻之兆。而屬難治。巨里臆中之動。高跳者。爲衝心之先鋒也。最屬難治。欲治之者。先量日期之早晚。審病勢之緩急。考收靨之遲速。而後下手。是華枯肉骨之術。非筆舌之所得而罄也。

膿漿既足。而無餘症者。自九日午後。至十日。用補中

益氣湯。渴者加五味子麥門冬。以待其回水。何則。此時毒盡出于外。其內必空虛。津液涸而渴。如不用滋補。則恐有氣脫內攻之患。是治痘之規則。剝復自然之理也。

痘中死症雖多。內攻而死者十居五六。然前人論之甚罕。治方未備。余深悲其無救。思之思之。苦心歷試。始二十餘年。今則前人以爲不治者。死中求生。往往取竒効。豈余之思通于神而得之乎。抑前人有所未盡乎。夫有非常之工夫。而後可治非常之病。此症斷

非尋常方藥之所可救也。

熱毒之症。過服芩連犀角石膏之類。變爲虛候。皮薄漿清。根暈淡紅。或痒塌。大便溏滑者。宜加減托裏湯。甚者加附子。如初出血氣虛弱者。誤用犀角。則脾胃必受傷。至蒸漿之時。而下利不止。終至虛脫內攻。而不可救也。

灌膿之時。作痒者。防之當嚴。宜戒傍人。丁寧告戒。勿使之抓破。如抓破其顏部。則精氣自此而洩。肉腫忽消。煩悶燥渴。毒必內攻。噬臍不及矣。

痘症順者。雖抓破猶自愈。其症險者。豈可以此例之。又抓破而鮮血流出者。可治。膿乾血不出者。屬不治。如滿面抓破者。雖膿血出。其毒必內攻。故發煩渴。神氣終困耗。自為戰慄。死在旦夕。

凡抓破之害。因部位有輕重。因時日有微甚。天庭印堂。其害最重。臉腮次之。手足稍輕。未灌膿之前。其害最甚。既灌膿之後。次之。收靨之時。稍微。又抓破眼邊。則餘毒入眼。抓破手足。則有害疤之患。

發痒有二症。一痘色淡白。皮薄者屬虛。宜千金內托散。一痘色深紅。赤紫乾枯者屬熱。宜神功散去人參。加蟬退。傍燒茵陳。荊芥。胡荽之類。如鼻痒不禁。抓破似剝兎。或乾澁褐者。皆屬不治。

灌膿之時。煩躁不寐。多言妄語者。邪熱乘虛。擾亂心神也。宜酸棗仁湯。渴者加麥門冬。服湯後。益多言不止者。為難治矣。如其多言寂然止。徒虛煩。或撮空摸床者。就鬼錄在邇。

皮薄清漿。至八九日。痘頂有小孔。漿水自然漏出者。名曰漏痘。又漏漿推結作珠者。曰漏珠痘。屬難治。如

無他惡候。潰爛淋漓不乾者。宜回陽反本湯。敷以滅癩救苦散。猶十救二三。如漿盡而乾黑。或推聚乾結。形似癩頭者。不可救療。

灌膿之時。元氣虛衰。乳食不下。毒火熾未解者。氣虛毒壅之症也。夫血氣虛弱。則不能制火。虛火炎上。津液涸而煩渴。痘亦焦枯。甚者。頂陷紫黑。溫補之則助火毒。清解之則陷虛寒。不得已而用清補兩端之藥。宜神功散。加芩連麥門。或本藥用溫補。傍用清解。則不相監制。尤可察虛實偏勝如何。斟酌輕重治之。

痘稠密不起。至灌膿之期。面部水漿未半。絕無膿路者。乍一處變青黃色。他處依然如故。次日又一二處。作青黃色。世俗見以為化漿。不知此症。脾胃虛正氣衰。而毒肆虐也。如面部一般。平塌黃土色者。名版黃痘。要皆屬難治。其內症無故者。宜加減托裏湯。加鹿茸。如發癰毒腫毒。則是轉禍為福。經日彌久可愈。名之曰延日痘。

氣虛痘症。起發遲滯。水漿不滿。已至七日。雖無膿色。無他惡候者。宜參歸鹿茸湯。如下利者。忌鹿茸。宜木

香散如咬身寒戰者宜建中湯甚者用大劑參附湯
灸天樞氣海世醫療痘虛寒之症全備而後用附子
余則不然唯見一症直用之不待悉具焉

收靨

痘至九日之夕而人中及口角兩顴之邊先為黃黑
色肉腫稍消頭髮中及兩手十分黃熟兩脚未十分
也至十日之朝而天庭印堂之邊亦為黃黑色人中
兩顴當結痂肉腫漸減眼將開兩陰之邊亦結痂者
是為正收也蓋人中者任督二脈交會之處故自此

而上下相分天氣升地氣降乃自然之理也

收靨之時晝夜安睡覺則求食食終則復睡者最為
美事不韻者見其似昏冒狀以為虛脫之候噫亦過
矣痘中之疲勞自睡裏復是為否極泰來之證也遽
用峻補之藥則反釀災惟當以防風寒節飲食為緊
要如晝夜不寐煩渴引飲呼吸息迫或痰喘鵠附氣
尾或臆中動高或乾嘔反張者皆惡候也

收靨之時微熱微渴者蒸漿作靨也惟當防餘毒宜
小連翹飲如目赤者宜忍冬解毒湯如咳嗽煩渴者

加五味子麥門冬。蓋當結痂之時。諸症無故。亦用解毒。則後來免餘毒之患。勿以順痘而忽之。

收靨之時。壯熱不解。或既靨者。癩痕復釀膿。或抓破痕作孔。膿水不乾。或肉腫不消。或腫起。形如疔癩瘡。如痰瘤者。餘毒盛也。宜大連翹飲。如倏然發熱。舊疤復起。作痘形者。名曰瘟疤。宜荊防敗毒散。

收靨之時。身熱壯盛。大便秘結者。餘毒壅滯于肌肉。欲發而未發也。宜大連翹飲。加大黃。如渴飲無度者。脾胃本虛弱。今畜水浸漬皮膚。終致不靨也。宜胃苓

湯。如虛甚者。加人參。

收靨之時。有胸腹及背脊。或面部。或手足等。忽然發細瘡。而其色或白或赤者。勿恐是餘毒自然解也。當用本方解毒之劑。勿為細瘡誤。遽用表發之劑。

虛弱之痘。正氣不足。水漿不充。不能膿化。勢該氣脫。內攻者。幸藉補托之力。而免內攻之患。至痘押之始。空隙之地。忽發小瘡。為漿膿者。名曰贈痘。是逆轉為順。宜用補中益氣湯。或加解毒之品。

當靨不靨。身熱蒸蒸。小兒少者。宜清表散毒湯。如無

熱者屬虛宜汪氏解毒飲加蒼朮茯苓

眼以下盡收靨獨天庭印堂停漿數日不靨者甚為可懼急用汪氏解毒飲屬虛者用補中益氣湯十中僅救二三如寒戰咬牙手足厥冷者危劇之症也須用參附大劑灸神闕天樞

收靨太遲者以脾胃弱中氣虛不能埋養肌肉也宜十全大補湯如不早補之則潰爛外剝終至不可救又回漿甚速者以胃氣弱不能制毒邪也宜小連翹飲加山梔子黃連如不早清解之則內攻衝心亦不

可救焉

皮薄潰爛膿水淋漓不乾者脾胃虛也宜補中益氣湯敷以滅瘢救苦散蓋潰爛有膿臭者為吉以毒外出也無膿臭者為凶以毒內入也雖然其臭如魚腸及尸臭者肌肉腐敗也不治

潰爛腐臭或於頭髮中一處梟痒難忍者視之有蟲其形如米粒名曰蛆痘夏月多生謂之形化雖寒月閒亦有之形如絲細者謂之氣化宜將銀簪挑之用麻油取盡其蟲後花椒湯洗之則痒立止

收靨之時。以小僂多為順。何則肉腫消膿水回。其液盡輸于膀胱也。如小僂少者。痘難回水。變為腫病。宜四苓散。如氣血虛弱。胃氣不足。不能消化水穀。而浮腫者。宜胃苓湯。

收靨堆結如石。乾枯無潤。肌膚青白。絕無血色。眼開無神者。神元虛脫之候也。不治。如搭眼直視。呼吸短促。手足厥冷者。亦不治。

落痂

凡落痂之定期。以十三日為始。然其輕者。十一二日。

如血靨痘者。九十日而脫痂。如中間加不順者。革查必後期。又窠粒小者先期。窠粒大者後期。是自然之勢也。古來以三日為期者。舉大數耳。凡痂皮者。以堆結如赤小豆皮厚實者。為吉。

又有過十二日而頭髮中。及足膝以下。猶未靨者。勿恐自髮際以上。陽氣獨盛。謂之孤陽。自膝以下。陰氣所聚。謂之寡陰。此二處陰陽不相濟。故後期也。然是皆指諸症無故者言之耳。如有他症者。不在此例。痂皮粘著皮肉。不肯脫落。或發痒者。此以脾胃虛。肌

肉不密也。宜補中益氣湯。加蟬退。如痂皮乾硬。深入肌肉。不能脫剝者。塗蜜。苟遲延日久。必成癩陷。宜滅癩救苦散。水調塗之。

靨後面部。及手足浮腫者。以溼氣在脾經。不滲泄故也。屬虛者。宜五加皮湯。加人參。屬熱者。宜赤小豆湯。如陰囊腫大者。以熱在膀胱。毒流小腸故也。宜大連翹飲。便秘者。加大黃。

靨後滿口白糜。乳食不下者。口疳也。又名白口瘡。宜涼膈散。去芩硝加石膏。如屬虛者。宜甘露飲。夏用軟絹裹指。輕輕拭去。敷以硃礬散。其甚者。水藥共不下。多屬不治。

靨後口氣腥臭。勃勃衝人。脣吻生紫黑點。乾陷如塗煤。捻之有核。不知痛者。名曰走馬疳。朝爛一分。則暮爛五分。漸及齒齦。或自齒齦發者。及脣。自脣發者。及齒齦。終至脣缺齦腐齒脫。急用涼膈散。去芩硝加石膏。犀角。而大下之。外用三稜鍼。剔破之。吮去惡血。貼金不換。其最甚者。朝爛一分。則暮爛一寸。其疾如走馬。死亾立至。余未知何術可以救之也。

注毒論
三
卷之五
醫後時發熱頭項或臀腰之邊突起赤色形如注
疔瘡者餘毒釀膿勿深患自然潰膿膿出盡則愈宜
大連翹飲大便秘者加大黃

醫後或半脫刺之時偏身發大熱神氣不伸者餘毒
留在肌肉恐發癰腫須仔細察之如項背手足腋下
臀尻之邊一處煩熱赤色動之則痛不可忍者是毒
聚發癰之地也蓋漿膿固不足痂皮浮薄而速痘押
速革查者多有此症

醫後手肘或足膝忽然腫起肌色不變直而不屈者
名曰筆聲搖之則痛不可忍是毒聚為癰也此症日
久而後釀膿又有一日腫減再三腫起而後為膿者
又有其腫漸消轉于他處者大槩癰者非經十數日
則不膿熟屬熱者用荊防敗毒散如突起赤色有熱
者易膿易愈如膿既成而不潰者宜透膿散加反鼻
膿既出者宜解毒內托散如屬虛者宜補中益氣湯
如初發腫起不赤者前方加附子
醫後發癰疔眼疾者前人皆謂過服溫補辛熱之所
致也然是以尋常之痘言之今有餘毒盛而虛乏甚

者欲解餘毒則增虛乏欲補虛乏則助餘毒兩者不可兼治將如之何與其解毒而殺之寧補虛而活之縱令爲盲目支廢之人不猶愈于死亾乎余治痘往往有過用溫補發癰疔眼疾者其甚至偏瞽筆聲固非不知而用辛熱唯思生之愈於死而已痘瘡旣愈而氣血未復毒雖外散腸胃旣弱痂皮雖脫剝肌肉新嫩寒暑易襲飲食易傷如不加調護守禁忌恐生他變慎之慎之

婦女出痘

女子出痘十四歲以下天癸未來者治法與男子同但其天癸旣來者患痘則雖非其期經水忽行者熱毒擾亂血海故失其常度迫經妄行也痘未出者宜涼血地黃湯旣出者宜柴胡四物湯如熱盛煩躁譫語者兼用三黃瀉心湯加番紅花如撮空摸床狂言罵詈者兼用辰砂導赤散或牛黃清心丸發秀及成實之時經水大來中氣卒虛痘忽頂陷紅暈散漫變淡白者宜十全大補湯甚者脣舌亦淡白手足微冷宜參附湯如痘變灰白黑陷乾枯痰喘氣

急寒戰咬牙。舌縮不伸。手足厥冷者。多屬不治。

痘中經水忽來。卒然音啞者。爲心虛。蓋心主血。舌乃心之苗。血去則心虛。心虛則少陰之脈不能榮舌。故暴瘖不語也。急用當歸養心湯。加桔梗石菖根。以補其心。血服湯後。聲音出者。可治。否則不治。

孕婦之出痘。最爲難療。恐熱毒侵胞胎。其胎遂墮。氣血共虛衰。其藥始終以安胎爲主。宜安胎飲。如胎痛甚者。兼用黑神散。

火燒放標之初。墮胎者。多生。發胖養漿之時。墮胎者。

多歿。收脫掉靨之時。墮胎者。必大害。又須察痘形與內症。見根暈之散與不散。卜其吉凶生歿。

痘中墮胎。及正產者。皆氣血大虛。宜十全大補湯補之。如寒戰咬牙。手足微冷者。兼用參附湯。

凡痘中經行。墮胎者。其症必爲氣血兩虛。適有血熱毒盛之痘。因經行墮胎。而熱毒自解。幸無恙者。此症十中僅一二耳。然此必在小脹之時。而不在大脹之時也。

眼目

五臟之精華。聚于目。目得血則能視。失血則不視。是故血虛則爲內障。血逆則爲外障。痘至靨後。則氣血兩虧。餘毒易注。風熱易侵。此知痘後目疾。大抵自氣血之虛耗來。眼科或暗於其理。療之與尋常目疾相同。專與寒涼。頻用點藥。徒欲治目。而不知殞命。洵可歎哉。凡痘後目疾。忌點藥。是先賢之戒也。

化漿之終。或回靨之始。眼一開者。未幾復閉。腫塞難開者。必餘毒上攻眼。然當其未開之時。不可知眼中如何。宜忍冬解毒湯。傍用洗眼方。及其開眼。隨症治

之。但氣虛者。忌洗藥。

痘後餘毒不解。上逆侵眼。目睛赤。瘀肉突起。熱淚眶癢者。用羚羊角散。如有虛候。或大僂自利者。宜蜜蒙花散。

痘後眼中。無赤縷痛癢。唯生雲翳。星翳。眵淚出者。宜蜜蒙花散。如兼羞明者。加羚羊角。如無眵淚。羞明之症者。其愈必遲。宜用點藥。或抹藥。

痘後眼胞赤腫。羞明眵淚。怕日不能開者。宜九味當歸散。加紅花。如身熱不退者。加石膏。羚羊角。如赤縷

遮睛。臉爛。眶癢者。傍用洗眼方。加枯礬。

痘後。目睛上吊。露白者。是氣血虛耗。督脈縮促。故瞳子搭吊不下。本非眼疾也。只當補氣血。宜補中益氣湯。如誤認為餘毒入眼。與清涼解毒之劑。或用點洗之藥。則忽殺人。可懼。如眼中無神彩者。生氣絕矣。

治痘論 完

附錄經驗諸方

升麻葛根湯 主身熱為痘未明。疑似方。

葛根 升麻 芍藥 甘草

加味升麻葛根湯 主壯熱頭痛。咳嗽。痘將發方。

葛根 升麻 芍藥 牛蒡 桔梗 防風

紫蘇 川芎 山查 甘草 生薑

加減升麻湯 主身熱睡中驚悸。手足酸軟方。

葛根 升麻 芍藥 桔梗 前胡 紫蘇

當歸 連翹 甘草 生薑

消毒飲 主渾身熱盛。咽喉腫痛方。

防風 荆芥 牛蒡 甘草

敗毒散 主初熱夾風寒。或兼疫癘。及腰微痛方。

羌活 獨活 前胡 柴胡 川芎 茯苓

枳殼 桔梗 甘草 生薑

敗毒和中散 主壯熱煩躁。腹痛腰痛方。

連翹 牛蒡 黃芩 黃連 枳殼 防風

荆芥 桔梗 紫蘇 蟬蛻 川芎 前胡

木通 升麻 麥門 甘草

羌活散鬱湯 主實熱擁盛。肌表鬱遏。痘不能發方。

羌活 防風 白芷 荆芥 桔梗 地骨

川芎 連翹 牛蒡 紫根 腹皮 甘草

加減益氣湯 主身熱悠悠。頭溫足冷。嘔吐便溏方。

黃耆 人參有熱者用沙參 當歸 川芎 白朮

陳皮 升麻 桔梗 甘草 生薑

溫中益氣湯 主血氣虛弱。痘難發出。驚搐狂躁方。

人參 白朮 黃耆 當歸 茯苓 山查

川芎 白芷 防風 木香 肉桂 甘草

大棗 生薑

導赤散 主發熱驚搐方。

木通 地黃 薄荷 防風 甘草 燈心

辰砂導赤散 主壯熱譫言狂妄。或昏冒好睡方。

人參 茯苓 黃連 梔子 木通 麥門

石菖 辰砂 牛黃

歸宗湯 主毒火壯盛。譫語煩躁。腰痛失血。便秘方。

大黃 地黃 芍藥 山查 青皮 木通

荆芥 牛蒡

加味歸宗湯 主毒火亢極。煩悶腰痛。痘難起發方。

當歸 芍藥 玄參 大黃 羌活 穿山甲

青皮 荆芥 地黃 山查 牛蒡 木通

清地退火湯 主熱不退。痘先放苗方。

地骨 地膚 牛蒡 柴胡 紫根 葛根

連翹 當歸 木通 蟬蛻 生薑

犀角地黃湯 主血熱壯盛。煩燥失血。大便色黑方。

犀角 升麻 丹皮 芍藥 鮮地黃

玄參地黃湯 主熱毒上逆。衄血方。

玄參 丹皮 梔子 牛黃 升麻 鮮地黃
芍藥 甘草

玄參升麻湯 主痘夾疹。夾癍。夾丹方。

玄參 升麻 牛蒡 防風 荆芥 甘草

加味鼠粘子湯 主咽喉腫痛。噎水。鎔。噎方。

桔梗 牛蒡 射干 山豆根 防風 連翹

陳皮 荆芥 甘草

十神解毒湯 主放點赤色。皮毛焦枯。小兒赤澁方。

當歸 地黃 紅花 丹皮 連翹 川芎

芍藥 桔梗 木通 腹皮

清涼攻毒飲 主熱如火。煩渴顛狂。痘紫艷深紅方。

石膏 黃連 大黃 木通 紅花 荆芥

牛蒡 犀角 丹皮 青皮 地丁 鮮地黃

涼膈散 主上膈積熱。煩躁悶亂。及痰喘擁盛方。

連翹 薄荷 黃芩 梔子 桔梗 大黃

芒硝

大承氣湯 主裏熱太盛。譫語腹脹。大便秘結方。

厚朴 大黃 枳實 芒硝

四順散 主裏實大便不通方。

當歸 芍藥 大黃 甘草

三黃瀉心湯 主心火盛煩躁譫語方。

黃連 黃芩 大黃

神功散 主見點紅紫或帶焦黑血滯難漸起方。

人參 黃耆 芍藥 牛蒡 紅花 前胡

地黃 紫根 甘草

太乙保和湯 主血熱既解後不易長大方。

桔梗 紫根 川芎 山查 木通 人參

紅花 地黃 甘草 糯米 生薑

大保元湯 主氣血虛弱痘色淡紅頂陷皮薄方。

黃耆炒 人參 白朮 川芎 肉桂 甘草

大棗 生薑

加減托裏湯 主實症變虛塌陷搔痒皮薄漿清方。

黃耆炒 人參 山藥 肉桂 當歸 芍藥

白芷 木香 陳皮 甘草 糯米 人乳

參砂和胃散 主胃中虛寒嘔吐不思飲食方。

人參 砂仁 半夏 白朮 茯苓 藿香

陳皮 乾薑炒 甘草炙

千金內托散 主裏氣虛弱。肌表未解。陷伏不快方。

人參 當歸 黃耆炒 芍藥 厚朴 肉桂

川芎 山查 木香 防風 白芷 龍眼

甘草 生薑

木香散 主裏虛腹脹。泄瀉。或嘔吐方。

木香 腹皮 人參 茯苓 肉桂 青皮

前胡 訶子 半夏 丁香 甘草炙 生薑

異功散 主表裏俱虛。泄瀉腹脹。及寒戰咬牙方。

木香 肉桂 當歸炒 茯苓 人參 陳皮

厚朴 豆蔻 丁香 半夏 白朮 熟附子

大棗 生薑

建中湯 主淡白頂陷。腸鳴下利。寒戰咬牙方。

人參 黃耆炒 白朮 當歸炒 川芎 熟附子

乾薑炒 肉桂 丁香 甘草炙 生薑

參附湯 主虛極。寒戰咬牙。手足冷。或下利清穀方。

人參 熟附子 大棗 生薑

參歸鹿茸湯 主頂陷灰白。根暈散蔓。難膿化方。

鹿茸炒酒 黃耆炒 當歸炒 人參 甘草炙 龍眼
生薑 入好酒

回陽返本湯 主氣血虛劇。皮薄漿清。虛惕寒戰方。
人參 黃耆炒 鹿茸酒 當歸炒 川芎 肉桂

熟附子 山查 甘草炙 大棗

回陽酒 主晄白如水。泡寒戰咬牙。痒塌方。

鹿茸炒酒 熟附子 黃耆炒 當歸炒 好酒煎

雞冠血酒 主氣血虛寒。痘淡白。無紅暈方。

雄雞冠血。和清酒溫服之。其雞不可殺。

補中益氣湯 主膿既足後。津液虛耗。身熱口渴方。

人參 黃耆炒 白朮 當歸 柴胡 升麻

川芎 陳皮 甘草 生薑

十全大補湯 主氣血俱虛。頂陷灰白方。

黃耆炒 人參 當歸炒 芍藥 白朮 地黃

茯苓 川芎 肉桂 甘草炙 大棗 生薑

酸棗仁湯 主精神昏倦。自言自語。虛煩不得睡方。

棗仁 遠志 茯苓 當歸 石菖 甘草

解毒飲 主虛痘。當靨不靨方。

當歸 芍藥 人參 山查 黃耆 荊芥
牛蒡 防風 甘草

清表散毒湯 主身熱蒸蒸當靨不靨方。

地骨 麥門 花粉 牛蒡 連翹 當歸
猪苓 澤瀉 黃芩 木通 甘草

小連翹飲 主收靨後少有餘毒方。

連翹 當歸 芍藥 茯苓 白朮 防風
荊芥 甘草 生薑

大連翹飲 主餘毒太盛身熱二便秘澁方。

連翹 牛蒡 柴胡 當歸 芍藥 防風
木通 車前 荊芥 黃芩 梔子 滑石
蟬蛻 甘草 生薑

忍冬解毒湯 主收靨後餘毒欲竊發或目赤方。

金銀花 貝母 菊花 荊芥 牛蒡 紅花
地丁 木通 連翹 甘草 胡桃

荆防敗毒散 主痘後憎寒壯熱發癰疽腫毒方。

防風 荊芥 羌活 獨活 柴胡 前胡
薄荷 連翹 桔梗 枳殼 川芎 茯苓

金銀花 甘草 生薑

透膿散 主諸瘡內膿已成不潰方。

黃芪 川芎 當歸 皂角刺 穿山甲

解毒內托散 主餘毒太盛生瘡癰發癰腫方。

黃耆 荆芥 防風 連翹 當歸 芍藥

金銀花 木通 甘草

甘露飲 主虛弱口疳方。

麥門 花粉 天門 茵陳 地黃 枇杷葉

枳殼 石斛 黃芩 甘草

胃苓湯 主遍身浮腫小便不利方。

豬苓 澤瀉 茯苓 白朮 蒼朮 厚朴

陳皮 桂枝 甘草

五加皮湯 主面目虛浮四肢腫滿方。

五加皮 蒼朮 桔梗 木通 桑白 姜皮

防風 豬苓 澤瀉 燈心

赤小豆湯 主餘毒內攻遍身水腫小便不利方。

赤豆 商陸 麻黃 連翹 大黃 桂枝

生薑

理中安蛔湯 主胃中虛冷。有蛔虫。而吐瀉方。

人參 乾薑 白朮 蜀椒 烏梅 甘草 炙

椒梅湯 主有蛔虫。而腹痛。時起時止方。

烏梅 蜀椒 檳榔 枳實 木香 香附

砂仁 肉桂 厚朴 乾薑 炒 棟子 甘草

生薑

涼血地黄湯 主熱毒擾亂血海。經水適來方。

當歸 芍藥 桂枝 地黄 黃芩 紅花

黃連 升麻 連翹 牛蒡 甘草

柴胡四物湯 主經水方斷。邪毒乘虛侵衝脈方。

柴胡 人參 黃芩 當歸 川芎 地黄

芍藥 地骨 麥門 知母 淡竹葉

安胎飲 主妊娠中。發痘瘡方。

人參 白朮 黃芩 腹皮 川芎 當歸

芍藥 砂仁 紫蘇 陳皮 甘草 糯米

當歸養心湯 主失血過多。心氣虛耗。聲音忽啞方。

當歸 麥門 升麻 人參 地黄 甘草

黑神散 主分娩後。瘀血作痛方。

當歸 川芎 熟地黄 乾薑 肉桂 蒲黃

香附 木香 青皮 黑豆 水酒各半

羚羊角散 主餘毒攻眼。生翳羞明。眵淚紅腫方。

羚羊角 黃芩 黃耆 草決 車前 升麻

防風 大黃 芒硝

九味當歸散 主瘀肉侵睛。羞明熱淚。眵癢瞼爛方。

當歸 川芎 柴胡 防風 獨活 梔子

薄荷 大黃 甘草

蜜蒙花散 主翳膜遮睛方。

蜜蒙 菊花 石決 蒺藜 木賊 羌活

洗眼方 主靨後。眼腫閉不開方。

黃礫 黃連 當歸 川芎 薄荷 荊芥

擺出洗之

承氣丸 主裏熱。大便秘結方。

大黃錢四 硝石錢五 糊丸

牛黃清心丸 主心熱盛。精神昏冒方。

牛黃二分 辰砂一分 黃連五錢 黃芩 山梔各

錢鬱金錢二 糊丸

金不換 主走馬牙疳及痘疔方。

人中白 枯礬 各三錢 鹽梅 七個煨 白褐 燒

五倍子 細辛 胡黃連 各一錢 雄黃 銅綠 各五

錢 細末和胭脂水塗之。

硃礬散 主白口瘡方

硃砂 二錢 枯礬 礬砂 各一錢 細末

滅癩救苦散 主爛痘及抓破膿血出方。

蜜陀僧 滑石 各三兩 白芷 一兩 細末

終

經驗治痘論跋

建安以來傷寒盛行而橫夭者頗多張仲景憫之作傷寒論天下始知其治法稱以為金科玉條至今為之歎少者以有張氏也建武以來痘瘡漸行而夭殤者最多董及之憫之作斑疹備急方論嗣後錢陳諸家之書出然其說紛紜多岐學者惑焉至今為之歎不少者以無其人也蓋痘瘡之害人甚過于

傷寒。後世之醫。固不及仲景。乃欲以不及之才。治甚過之病。顧不難乎。吾

邦。天平以來。千有餘年。未嘗審其治法。覘然執匙。冥施以試病者。其夭殤不少。不亦宜乎。家大人深憫之。獨注心於痘科。殫精研思。始忘寢食。既三十餘年。大有所發明。遂作此書。嘗慨然謂余曰。嗚呼。古人亦曲學偏見。好行溫補者。昧於解毒之理。專用攻下者。失中和

之旨。或繁蕪而少要。或疎陋而多謬。或虛論鑿說。或臆度乖理。所謂擇焉而不精。語焉而不詳者也。故雖有百家之書。確然可以爲規則者。絕少矣。此書本吾一時所筆。而後人取以爲規則。未必無小補。吾將待知己於千載也。其用心之深。自信之篤。如此。蓋平居讀痘書。既博。診痘症尤多。驗方藥亦久。常以病症照方書。其符合者爲實。齟齬者爲虛。苟非經

親驗實効。則不敢載之於書。又不敢雜引古人之說。言約而用廣。洵治痘之規則也。此書一出。天下必將稱以為金科玉條。而天塲為之加少。何待後世有子雲哉。

天保十四年癸卯暮春 池田直溫謹識



瀧澤養吉刺

池田端仙先生著書目

治痘要方	附補匱合刻 麻疹要方	種痘辨義	一冊
治痘要訣	一冊	痘疹戒草	力十書 素人心得 三冊
治痘論	一冊	痘瘡食物考	同 一折
續痘科辨要	三冊	痘疹養生訣	同 一冊

發行書林

須原屋茂兵衛
山城屋佐兵衛
岡田屋嘉七
和泉屋金右衛門
英屋文藏梓

